



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學校名稱 : 宣道會陳朱素華紀念中學
Name of School : CHRISTIAN ALLIANCE S W CHAN MEMORIAL COLLEGE
劇名 Name of Play : 此處徘徊
劇作者 Script writer : 陳得璋

故事大綱 Synopsis :

我們總有自己想成就的事、為人。然而沒像中那麼勇敢前行，是希望得到肯定，害怕別人批評。在感到有心無力時除了進退之間徘徊還可以...？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 《準備》

(凌晨一點 / 陳麗琦的房間)

(台上分作兩個燈區：台右是一間完整的課室，台左是一個小小的「電筒空間」在這個空間可以見到主角們的內心世界，這個空間在第一場是陳麗琦的房間，書枱上有一盞燈，一張紙，一支筆和一部電話。)

群眾們： 滴答。滴答。(群眾用手指模仿人形，在另一隻手上原步走)

群眾A： 依家係凌晨一點，6A班既陳麗琦喺到籌備緊班會主席既參選政綱。

群眾B： 全屋人瞓晒，得佢一個仍然開著枱燈，努力工作，(開電筒照手) 佢希望聽日被見到既就係自己。

陳麗琦： (拿著電話語音輸入) 團購歷史博物館票價。

群眾C： (聲音模仿SIRI / AI) 30位同學連導賞團\$350 一個鐘

(陳麗琦mark 低票價)

陳麗琦： (語音輸入) 旅遊巴公司booking

群眾D： (模仿SIRI / AI) 永星公司，價錢相宜，司機有責任心。安全。

(陳麗琦mark 低價錢，各項預約條目。)

寶叔(VO)： HELLO，我係寶悅書局負責人，你叫我寶叔得啱啦。

陳麗琦(VO): 你好呀，寶叔。我之前打過嚟問過架喇。我地班有成30 幾人，高form 成日要用筆㗎，有冇得滿50 蚊八折呀？

群眾F： 佢一緊張,就會彎起身,手腳都會開始縮埋一嚟。

群眾A 因為佢想比返啲安全感自己。

陳麗琦：(VO) 你放心啦，我地係文科班嚟㗎.....一個月不停寫論文差唔多要用成10支筆芯㗎。係囉，每人10支。咁...如果OK嘅，我聽日拎啲卡俾你睇睇丫。

群眾D： 其實佢個腦快過把口，但係因為怕講錯說話。

群眾C： 所以講野既節奏都會亂咗，時快時慢，內容時短時長。

群眾F： 呼吸都會變得急速，心跳都會加快，因為佢唔知對方唸緊乜，亦都好怕對方唸既野同佢唔一樣。

群眾D： 開學揀位，佢會想坐最側邊。

群眾A： 分組做野，佢寧願等班主任安排。

群眾B： 上堂答問題，佢唔敢主動舉手。

群眾E： 今年選班會主席，佢想試下爭取一個改變既機會。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(陳麗琦草擬福利項目，繼續努力地撰寫政綱)

群眾： 滴答。滴答。(群眾用手指模仿人形。出)

(燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 《選舉》

(早上08:30 的課室)

(陳麗琦拿著昨晚所用的 FILE)

陳麗琦 我既候選主席政綱係：第一，希望同學可以寓學習於娛樂，所以活動方面，會有香港歷史博物館導賞，除左玩樂之外，仲可以幫助讀緊history 既大家有所得益，用一個輕鬆既方式去學習，價錢都相當實惠.....

(陳麗琦暫停了說話，一幅難為情的樣子)

(眾同學根本沒有留心聆聽陳麗琦的政綱)

(王頌文亦只管自己的練習和進食 supplement)

陳麗琦： 大家點睇呀？

(眾同學陷入沉靜，互相對視，沒有意欲回應)

(男同學 B 瞞著)

Yanny： (拍男同學 B 枱) 尊重啦！

Jimmy： (彈起身) 吓，講到去邊呀？

(眾同學恥笑，陳麗琦亦知道 Jessica 其實在諷刺自己)

陳麗琦： 因為見大家都就快考 DSE，但又唔想啲活動得個「玩」字，如果大家有意見真係可以提出架！

(眾同學再度陷入沉靜，互相對視)

(陳麗琦望一望班主任，班主任也正在忙於點名，沒有留心聆聽)

陳麗琦： 葉 sir ~ 你覺得點呀？

(葉 sir 沒有反應)

陳麗琦： 葉 sir？

(葉 sir 回過神來)

葉 sir： 你講完嚟？

陳麗琦： (尷尬).....未呀！

葉 sir： 唔好意思，啱啱點緊名，你繼續啦。

陳麗琦： (深呼吸) 至於福利方面，寶悅書局嗰邊比我地班優惠，買滿 50 蚊有八折，我都擺左大家既學生相，整理卡比同學，以免其他班既同學亂用我比班既優惠，同學可以傳啲卡落去。

(全班同學面容詫異地傳卡)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(全班沉默下來)

(唯獨王頌文在看著卡點點頭，肯定麗琦的工作)

陳麗琦：大致上係咁。

葉 sir： 唔該麗琦。仲有冇同學都 ready 左政綱？

女同學 B： 張晞文啦！

張晞文： (細聲地) 玩野呀？

女同學 B： 出去啦！佢都得，你唔得？

(女同學們偷笑，張晞文硬著頭皮出去，陳麗琦站到 Mr Yip 旁)

(張晞文站著思索了數秒)

張晞文 I Er.....大家可以 follow 「heyyan_fashion」，heyyan 係(把英文串出來) hey，我家姐既 IG Shop，男女裝既衫都有架，嚟緊仲會有實體店添。我叫家姐比個 discount 比大家呀！

(眾同學嘩然，驚歎陳麗琦的人脈)

(眾同學和老師均無視陳麗琦)

葉 sir： 活動方面呢？

張晞文： em..... 我家姐都有朋友係開密室逃脫既，不如試後活動去玩下放鬆下呀。啲解謎都益智既，要用腦架。放心，free 既，唔洗大家比錢！

(眾同學歡呼)

葉 sir： 嗯，晞文呢個提議唔錯。呀！咁晞文你有冇話想邀請某啲同學參與你既團隊？

(眾同學都很熱情舉手，唯獨王頌文沒有反應)

張晞文： 我識唸唔識做架咋 (見到唯獨王頌文沒有舉手) 喂，王頌文~ 有冇興趣幫手做副主席呀？大家都有份架啲！依家差個學霸幫大家plan 野咋啲~

王頌文： 唔啦。我近期都好忙，其實你自己一個搞掂都得啦，橫掂你有你家姐幫手。(繼續低頭溫習)

(眾同學感到有點尷尬)

葉 sir： 嗯~ 團隊既成員可以從詳計議，可以過多幾日先交list 比我，不如我地投票選左主席先？